

府治舊在城內西北卽元益都路總管府明洪武五年詔建齊藩知府張思問移城東南十四年知府周彥舉又移城東北卽今治也天順中知府趙偉成化初知府李昂正德中知府朱鑑嘉靖初知府江珊四十三年知府杜思萬麻中知府范善相繼修前爲大門再進爲儀門爲正堂顏曰至道後爲川堂爲印堂顏曰希范堂後有亭建題名碑後爲正宅久圯

國朝康熙三十八年知府張連登重修

張連登重修青州府治記治昔在城西北

卽元益都路總管府也洪武五年詔建齊藩移城東南十四年復移城東北修而圯者數矣康熙三十八年己卯余來守青入廨宇見燕寢頽敗兩廂湫隘旁舍僅數椽不蔽風日不足以處丁族臧獲輩且三堂在東偏大堂在西南非制也乃首改建之與相聯屬俾出入有儀次立外宅門而以三堂舊址爲判牘室繚垣數堵堂後構室七楹稍東北瓦礫場也芟

益都縣圖志

卷十四

營建志下

三

除之爲室亦七楹又東廂北爲槐蔭軒楹凡五以接賓僚東北有石臺焉葺新之南北爲室共四十有四東西內外爲室共六十有三其因舊補苴者舉不在數庖湏之舍層積之所騎射之場芻牧之廐靡所不創工始於己卯夏落成於丙戌春木石丹漆之費梓匠工役之繁實纍纍焉而治始宏整有制時有謂余者曰官廨傳舍耳苟可偃仰足矣奚爲後人作嫁衣裳余曰君子舉事惟公惟恕非止爲一身之計而已昔郭林宗郵亭一宿必掃除之况乎臨民之所士大夫秉憲之地而猥瑣齷齪豈所以飭官方尊典制哉是役也爲費及數千緡悉捐產爲之不敢賦民一錢徭民一役後之來者與吾同志不哂其愚而諒其公則余於希范堂後建宅門內爲三之一切修舉者其率視諸此矣

堂顏曰鏡心後爲書吏房東爲北軒軒後爲

宸翰亭恭鐫

聖祖仁皇帝御書賜知府張連登

御書嵌三石壁間傍爲書室東爲北齋匾曰權古齋東爲南軒匾曰覺爽又東爲廳廳東爲臺名環青後爲北臺構椽七



楹鏡心堂西爲射圃建亭一顏曰紀勝康熙五十三年知府陶錦重修之懸瀉親王書春生五馬匾額於正堂改希范堂爲景賢建亭於鏡心堂後顏曰靜遠後爲正宅卽舊經歷照磨宅也正堂前爲戒石坊東西翼以曹吏房儀門外東爲土地祠循夾道而東迤北爲同知署其西北爲經歷廳通志云署在府大門內西南司獄司署在府大門內西北永阜倉在府署東倉大使署在本倉南庫在正堂東西

將盈庫舊志云明天順元年知府徐郁建

架閣庫舊志云在印堂西

軍器庫舊志云在印堂西

鑾駕庫舊志云在正堂西

益都縣圖志

卷十四

營建志下

三

儒學

詳學校

試院在衛街顏曰考院明初爲布政分司萬厯四十一年按

察司副使高第知府王家賓等改爲雲門書院

趙秉忠雲門書院記青州

舊有疑道書院在郡治西南堂室嚴翼檜柏環拱每青嶺自龍麟起若萬壑瀆巨浪題曰書院松濤其剝垂題詠載郡志於此一丁卯督學者鄒公善講明良知羽翼聖道設舉比函丈能言萬厯初年柄臣挾當軸之勢廢革天下書院所司奉行太過遂楮其地而空之抑何扼歎人事自有代謝培壘可爲師保釐舊飭新用以觀文成化以俟後之君子越三十年歲在癸丑憲使平灤高公第議復其舊而故址茂林鞠爲禾黍經其地者如入虛落而聞歎息之聲何從修葺謀於郡大夫王公家賓等乃拓爽鳩公署撤而新之聚材庀工首捐數十緡爲倡己而府若縣應之己鄉薦紳應之己鄉三老子弟應之不數月而落成木斿黝聖嚴而不華重門繚垣堂皇號舍皆爽塏都雅經體面勢言言噲噲南對雲門山色若排闥送青而至高公顏其額曰雲門書院士皆欣悅道說書院廢而復興興而巍煥改觀以得遊其間爲樂郡大夫卽修月會課諸士鼓篋而從倚席而談藏修游息而養樂更深矣甲寅春



郡大夫具書詔余曰願有述以勸多士請從雲門而演之海  
岱惟青羣山襟帶遠望層巒疊嶽峭壁攢峰羅擁週迴蜿蜒  
迤邐高下起伏千態萬象奇奇怪怪莫可名狀其最高而聳  
秀儼若天闕者為雲門峙吾青士國與天地有與立焉青人  
卽視以為奧區亦祇游覽登眺而止憲使獨表山靈錫嘉名  
於書院竊謂大塊凝厥靈秀儷美與人縣亘千里隆龐磐礴  
有若偃而臥者其厚重類夫人之質也拔地插天上極雲漢  
有若竦而立者其高峻類夫人之行也雲洞天開俊偉宏敞  
望之若懸鏡若拱璧者其光明洞達類夫人之文也士君子  
必暗室屋漏無疚無愧以涵養其厚重之質必介特中立無  
阿無倚以砥礪其高峻之行而後撮邱籍之要眇採羣言之  
芳潤無陂無偽出之為光明洞達之文譬之山鼇莫穹然廉  
隅嶄然峰距距然時出膚寸之雲吐噉雷雨以霑霖於天之  
下或亦山之至文也有如薄質行為無奇咕嗶自誇翩翩文  
藻卽卿雲自命終亦歸於無文蓋不質不介其言浮未有能  
質以立德也峻其行以立功也充其文以立言也處而私淑  
賢聖鵲衣散履歌出金石行而輔教皇猷表海殿邦銘勒彝  
鼎斯無忝於地靈無負於諸大夫菁莪樂學道試士亦卽在  
育之化詩不云乎高山仰止多士其勛諸學道試士亦卽在  
此

益都縣圖志

卷十四

營建志下

國初因之順治康熙知府夏一鳳陶錦皆有修葺雍正以來  
以為學使按臨之所遂專考院之名大門南嚮稍進為儀門  
為正堂為夢愚堂為後堂二各五楹門三楹後堂之旁有東  
西堂前有東西廂皆三楹夢愚堂者順治十三年督學施潤  
章所題額也前有廊覆甬道其東別一院為庖厨西為書吏  
舍正堂之前為號舍各若干楹儀門外有官廳西嚮大門外  
中軍樓東西嚮兩轅門皆南嚮乾隆道光中知府李濤徐湘  
胡德琳音德布英桂等相繼修李濤重修試院記云往時提  
道駐節青州平居視事於海防道署至期則就書院而  
校士焉雍正四年官制既定移駐濟南以此為行臺  
參將署在前司街舊志云在城東南舊為兵  
也舊志云祭院在前司街即明之按察分司參將衙署碑云  
前司係明季布政司館又云南察院即係前司按雲門書



院既為布政分司此自當為按察分司舊志是也設為布政館何以有察院之名惟其稱南察院頗與直指行臺之察院有別今康熙十八年參將魏國珍申請改建碑略云明季將從之自經改革圯毀無存順治十四年參將鄭查有前司久委草莽用申請為本將衙宇蒙允在案碑禍照然未幾降職營將仍暫借棲止承乏茲士悉力再請康熙十八年蒙批如詳永為營署今而後營將有棲止之所矣雍正十一年參將謝雲移修箭亭有碑記

附鄭三畏碑略云鼎革迄今一十八載舊設守備衙舍無存新立參將衙門未建前任或寓藩府或賃民房移修箭亭記云歲辛亥余奉委視篆青營營中衙署乃前代臬司行署甲子江西魏公守青州時詳請改設也

縣署在城東隅近北門古之普照寺也舊志云縣署即晉之元之普照寺也按齊乘普照寺與統軍司並非一地舊志殊誤詳古蹟普照寺海岱樓下舊治東陽城元始移於今城其署址無考今署創於前明前為大門舊志申

二亭有牆障之萬厓中知縣田仰買民地更拓東西對向氣象開爽大門內收糧舍十八間今並廢稍進為儀

益都縣圖志

卷十四

營建志下

三

門為戒石坊舊志又有如保赤子坊今廢為正堂為退堂各五楹後為縣

宅前堂後寢寢後有樓亦各五楹正堂前翼以曹吏房左右各若干間堂東為庫西出為典史宅舊志縣宅東有丞宅今縣丞移住金嶺鎮鎮宅

亦久廢其南為獄儀門東為土地祠祠東舊有寅賓館今廢祠後為縣驛據舊志祠後為備賑倉又東為馬房今倉久廢自嘉靖萬

厓中知縣張鎬張舜臣胡宗憲何廷錦張貞觀相繼修

青州府中學堂舊係松林書院大門一座二門一座計三間改建前講堂東連山瓦屋二小間東西耳房計六間東三間

會客廳西三間監督庶務房客廳後宅門內院廳房三大間改建後講堂東連山小三間教員房客廳西首讀書臺一座

東西耳房計六間改建教員房東院文昌閣一座改建藏書



樓四照亭改建化學儀器所宋十三賢祠後間院一段作體操廠文昌閣前三十二年新建草屋飯堂五大間又東旁新建草厨房五間西院書齋舊有瓦屋十五間二十九年新建草屋五十二間又新建茶爐瓦屋二間光緒二十九年十月青州知府馮 改建坐落城中西南角舊有瓦屋四十三間後建草屋六十二間

高等小學堂臥室四十間後門房三間厨房八間南樓九間西課室七間南北二課室十間飲茶所二間客廳三間賬房一間北樓五間半日學堂三間北屋三間大門一座樓後四間前門房三間西大門一座門房一間西三院三蹕九間坐落東關糧食市中心路南共房一百一十三間光緒二十九

益都縣圖志

卷十四

營建志下

三

年九月益都縣李

開辦

公立中學堂太公廟三間講堂七間飯廳四間厨房三間教習室六間號舍四十間澡塘二間茶房一間夫役室三間二門三間大門一座在青州城內西南隅

光緒三十二年三月益都紳士開辦

蠶桑學堂舊係旌賢書院門房五間過廳三間監督院北屋三間西屋五間客廳院北屋三間東屋五間西屋五間教習院北屋三間東屋三間西屋三間小屋三間鄉賢祠三間張公生祠三間慎言齋院東屋五間樓二層上下三間後院北屋三間東屋三間西屋三間新東屋五間新中屋五間新西屋五間西院北屋三間西屋三間東屋三間飯廳五間厨房五間浴池一間儲桑房六間製絲房九間調理場共房一百



二十四間在中所營北頭路西自光緒二十九年七月益都縣李 改建

府習藝所光緒三十一年九月初一日開辦知府曹稟明撫憲於府倉廩地段並舊有房舍改建遵部章專收軍流徒並雜犯入所工作計大門三間迤西角門內南房五間北過廳五間東西廂房各三間又東廚房二間後北院北房工作廠五間東西住宿房各十二間東西支更房各一間大門內東角門院舊有財神殿三楹倉廩五間均傾圯現任知府黃

於三十三年春重修葺整齊東西兩院除廟宇外共房五十七間

官立工藝局係宋氏宅西院租價東院暫借大樓西進十間

益都縣圖志

卷十四

營建志下

三

樓後東西廂房六間樓後小屋八間賬房五間東西廂房六間廚房六間紡經作八間東作六間染房樓五間煉房三間南機房六間過屋三間木匠屋三間養病所三間朝東過屋三間東南機房兩進十一間東廂臥房十二間東北臥房六間又臥房東廂五間北屋三間小廚房四間飯堂五大間外門房二間在估衣市街路東朝西共房一百二十九間自光

緒三十年三月益都縣李

開辦

官立閱報處官房五間計門西東屋兩間北套屋三間共房十間在縣十字口南路東自光緒二十九年十月十五日益

都縣李

開辦

候審所北屋三間小北屋一間西屋二間過道屋間半在縣



十字口南路東光緒二十九年九月益都縣李 開辦  
習藝所舖面瓦房八間舊草房十一間大門一座瓦大門一  
座草房三間西草房四間北草房四間廚房一間北院新添  
門樓一座東屋一間廁房一間在縣十字口南路東光緒二  
十九年十一月十五日益都縣李 開辦



橋梁

鴻濟橋在府城東門內

通志作宏濟橋

萬年橋在府城北門外舊名南陽橋南陽水經其下宋曾鞏

案鞏疑撰修橋記米芾書

灑水燕談錄青州城西南皆山中貫陽水限為二城先是跨水植柱

為橋每至六七月間山水暴漲水與柱鬪率常壞橋州以為

患明道中夏英公守青思有以捍之會得牢城廢卒有智思

疊巨石固其岸取大木數十相貫架明永樂十二年鄭綱重

修宏治七年秋水泛溢碑橋全毀萬曆二十二年知府衛一

鳳知縣劉養浩增修改名萬年橋

明劉實督修萬年橋苦心經畫赤足立水中冬月不

輟橋底於成楊應奎重修北門南陽橋疏橋跨渾水宏規

便先代之往來坊扁南陽壯觀極昔人之經畫石崖天設漫

誇渡海之靈鐵柱釘連共說移山之力如履平地機同鳥鵲

鯨鯢架壁欄檻縱橫狀類龍龜涉大川如履平地機同鳥鵲

歷地險何曾乘輿洞門敞青龍之見華表來白鶴之棲實青

齊之襟帶乃海岱之紀綱南通淮沂北接燕冀萬里無滯百

益都縣圖志 卷十四 營建志下

丈何拘雖創造沿革莫考其詳而典型踪跡猶識其大或極

盛於趙宋之時聿再舉於齊藩之日夫何為諸山之壑秋濤

怒嚙當五龍之口洪水直衝拳石抔土難勝濁浪之挑摧梁

崩地坼豈料堅碕之破敗徒枉屢成於初冬一潦輒壞途人

動嗟於深厲萬口興詞因循年久誰任大車之載浩大工程

須資堅志之人益都李演政者道門猛省士也性本慈悲不

自恃此獨醒心存普濟皆欲同登彼岸非誇大以壽功不好

名而事天塹限南北堪嗟隔離之苦河流失牛馬難救徒

涉之厄乃對天以發誓將募緣以興工大厦非一木所支獨

力難成白裘豈一狐之腋眾擎易舉聚蠱成雷至理攸屬積

羽沈舟先言尚在誕告諸方敢瀆多士上至王公達官長者

下及黎庶信女善男擴一視同仁之念普同舟共濟之心木

鐵灰石隨心割捨金銀糧絹任意布施勝似造七級浮屠過

如飯萬口僧尼設會燒香徒增跋涉之勞塑神鑄像空貽靡

費之罪豈如是橋之有益實為地利之長策鳩大木以壯址

制匪比梁俊頑石而固壘堅異樞杓務使虹舒電拖維如踞

虎之城虎步雲屯勢同長蛇之陣富平績著君王駕臨舉金

盃以相屬灞上功成詩翁塞騎衝風雪而發興穩若齋戴要

復舊日之偉觀轟如嶽壓仍邁昔時之奇迹使節退馳蕩蕩

歌皇華之美星輶至止平樂順軌之休冠蓋圖橋彷彿瀛

洲之勝駟馬題柱懸懸弩矢之先有牽牛之法象無陷馬之

虛驚蒼蛟害盡潛犀源平待其人而後行則易為也有志者



事竟成直其然乎眾祈  
發心愚當拭目故疏

國朝康熙三十五年夏河水泛溢橋圯過半知府羅大美重

修嘉慶六年知府李戴春重修壽光安致遠邑人趙執信皆

有碑記安致遠萬年橋碑銘我二東拱衛畿輔為神京左臂

甲東省山則雲門劈駝之峯律河則陽水之縈帶郵道元謂

水出逢山北阜謂之陽水亦名澠水值夏秋暴漲萬壑奔流

與河合並注所謂長津激浪澎轟之音驚川聒谷以今視昔

未之或殊登堞俯眺怒潮西來衝岸轉石飈飛箭激踣避弗

遑常虞飄沒自義熙中作東陽城而水帶城陽逮天會中移

治南陽而水又環城陰引繩度岸縱約千尺暫石為梁用通

徒旅已千餘歲於茲矣及故明隆萬兩朝圯而再復長橋屹

屹商賈輻輳室廬鱗次至國朝康熙丙寅已經百有三載

六月徂暑東雨連朝山瀑河漲蔽岸塞川而下浮槎敗廬壅

遏弗宣水伯憤恚力與橋鬪七門巍然遂墮其三勢若頽山

响同崩雷躡象臥獅之石隨流衝激砰礮數里而橋上之塵

肆居眈俱逐波東逝矣河流滂湃簸蕩城基行旅往來齋咨

病涉因循五載值閩中羅公大美以廉幹之才來守青郡乃

慨然歎興日城址漫漶患及公家非義也孔道熙穰利涉惟

益都縣圖志 卷十四 營建志下

艱非仁也工煩費鉅蒿目無筭非智也心惟口授計工量時

有法慶禪林成行上人與公同憂共畫肉香燃指沮血告佛

不坐不臥時歷再閏復有信士卜夢麟等澡心潔體苦誠募

化於是閭浮大眾感悟讚歎佈金施粟積微成鉅公乃上憲

以鐵鐲資倡導大集群工平礎方版闢角鈞心固以灰堊束  
之春成於丙子之夏備值口廩之費通計萬有餘金穹窿洞  
門厥數仍七翼以雕欄使行人有所憑倚鎮以龍祠俾水孽  
有所震懾醜齷宏敞望若崇墉是役也不費公帑不擾民力  
舊觀頓還煥然更新非公之知人善任力圖修復以固我巖  
城烏能使臣宦遊之遐侶方轂聯鑣嘽嘽駢馳聽殷雷之隱  
華之使虹之偃臥罔不歎羨雄風指顧山河以誇東秦之形  
瞻長虹之門鎖鑰晨關乍啟邦人士女袪接肩摩南北交錯  
至於北門真可以鞏青社維城之鎮合王制與梁之規固吾  
億萬年無窮之利也孔公攝守之日正羅公落成之時公乃  
授簡於余命之為記昔西平王李公晟作趙郡橋命張彧為  
銘御史陳公瑞作至德橋屬皇甫汭為記予才不逮昔人願  
附公之宏猷以傳永久此於劉晃之詠通津趙嶷之賦揚淵  
並為澠水故事云爾爰系之銘銘曰倚彼澠水其下建瓴秋  
霖夏潦萬壑競鳴電洩雷奔西來如瀉橋名萬年羈馬犇馬  
寅夏雨靈怒浪排空鎖斷支祈柱觸共工潛蛟躩躩孽龍嬉



戲鐵幢倏摧金堤立潰伐石重建人神叶謀七門穹蔽潺湲  
安流長橋之上行旅紛紜騰崖跨壑赤霞天津仰瞻雉堞疊  
嶂層雲俯眺闔閩蕃布星陳長橋之下清泉明瑟挹彼注茲  
利我萬室時和年豐濯壘蒸餽牛羊蹒跚驚鴨拍拍填海輾  
山浮龍駕鵲曷若茲橋轟礮鑄巖襟山帶海壯齊拱燕維茲  
石橋既堅且完我作茲銘永勒貞珉天啟大壯鞏固萬春  
趙執信南陽橋碑銘康熙歲在丙子青州北郭橋成興十年  
之已廢還累代之舊觀郡之人士莫不驚喜相告報也橋駕  
南陽水不知其所始鄭注南陽帶城又名繩水按其地形今  
猶昔也而不次橋梁郡志惟稱有宋時碑曾子固為文米元  
章書者今亡不可考矣元人郝經紀行詩云飲馬南陽橋摩  
挈米芾記是則茲橋之昭昭者歟勝國以還再圯再復傳聞  
圯於宏治之季也川原橫潰堞漂石走往迹殘碑于焉頽盡  
迨萬厯中郡守衛姓者修復之易其名曰萬年至我朝康  
熙丙寅而頽不百年耳嗟乎地道變盈陵谷遷改雖以茲橋  
之堅且鉅猶未可恃也矧前賢文字之細乎哉是可感已浮  
屠成行者郡城人不眠不坐梵誦於頽橋之側曰橋不成吾  
以身殉樂安道士卜夢麟聞而助之皆不惜支體奔走號呼  
如赴急難太守閻中羅公愍之曰吾事也遂率僚屬出俸金  
以首是舉而由鄉士大夫以逮窶人貧女無有遠邇咸競施  
而築其成計為日四年費金錢千萬毀者完之未毀者葺之  
橋之長廣不加於舊有堅耳矣左右各益石堰夾持之廣尋

益都縣圖志

卷十四

營建志下

三

丈者凡四今年夏水驟發勢倍往歲盪蕩糞壤洗濯欄楯拳  
石不移城郭宴爾於是乃大可恃矣夫人情於始也難圖而  
於成也易玩方橋之未復往來者其莫不謂闕然今則相與  
欣然未久而視為固然矣不謀所以保其成而使之久者而  
第矜之曰萬年可必乎昔周宣之考室也其詩曰君子攸  
躋君子攸甯一室之成而躋必於君子甯必於君子又況茲  
橋之鉅竭千百人之力合千萬人之財積歲累月僅能有成  
者欲斷其甯非君子其何賴乎橋垂成羅公下世成行者踵  
予門乞為之記以告後之君子余乃諮於眾曰夫萬年者以  
時計有所止也南陽者與地俱無所止也請仍名南陽亦以  
存宋元諸賢之舊庶有考焉爰勒諸石而系以銘銘曰長橋  
亘兮洪濤束地靈莫兮蛟龍伏行人行兮爰爾足馬牛無驚  
車不觸城巖巖兮山嶽嶽形勢完兮雄觀復來有君子兮謹  
修築俾繩安流兮配四續豐碑兀兮水之曲履斯橋兮警心  
目

海岱橋在府城東門外明洪武三年指揮使葉大旺天順四

年都指揮僉事高原正德四年知府榮節相繼修築

國朝乾隆三十四年知縣李敬勤重建有碑記



青龍橋在府城東關其址尚存

楊姑橋在府城東十八里元至正二年建明嘉靖二十六年

重修

案舊作至定二年定當即正之誤 通志云雲劈二山之水由橋下會流入陽水

巨瀾橋在府城東三十里崔高橋在巨瀾橋側俱跨瀾水通

登萊

宋延年巨瀾口渡舟記巨洋水在縣東三十里水勢散

濤洶盪或至殺人行者苦之文川呂公履任之二年政清民和百廢俱理乃下鄉邑問民疾苦適巨水秋漲民有覆沒者

歎曰吾暴行日中凡以為民也即民有顛斃於前而莫之援

吾目所不及見者皆如巨水矣歸言於郡守潘公可之乃出

帑金三十聚材鳩工閱歲而舟完卜於五月五日試舟於河

是日水復大作舟師往來如履平地自是而水不為災矣夫

為政在不費而惠惠而費非善政也巨水當東西千里之衝

日涉者無慮千百遇水歲傷不下數十人而渡河之費歲可

耗民十餘萬錢公一舉而所活所省無論百年即二十年後

所省活詎可量哉較其費則中帑二三金耳公殆惠而不費

者耶夫飼雀渡蟻即為陰德報亦如之嗟嗟若公者又當何

如耶予家縣之西田里月嘗一再渡河受公之利特先而喜

益都縣圖志 卷十四 營建志下 三

與斯民共嘉樂之也是為記公諱孔良字子性號文川丁未

進士河南洛陽人舟歲久敝漏癸丑知府王公捐俸加造大

王公橋在府城東五十五里舊名堯溝橋金大定十八年建  
明萬厯四十三年知府王家賓捐俸重修因改名王公橋  
國朝道光十七年里人取關帝廟積貲修之又改曰靈鑿橋  
三元街橋在府城東關南舊名徐家橋路通臨朐郡人徐公  
弼架木石為之明萬厯四十三年知府王家賓捐俸倡修改  
名三元橋又七里河橋在三元橋南邑人楊振奇劉大有等  
創建  
柳行街橋在東關南 通志



善人橋在府城東門外縣教場南順治十五年邑人李應雷建

石馬橋在府城東南十里

益臨橋在府城東南十五里大澗鋪南初有小石橋夏秋之交澗水暴注橋輒衝損嘉慶二十三年益都臨朐兩縣人共立石橋七空道光二十二年復修有碑記

月樣橋在府城東南二十五里白馬廟東通志作月漾橋

雲山橋在府城南門外明洪武間都指揮使王德修

官橋在府城南門外

民橋在府城南門外炎帝廟西建始無考道光十五年邑人釀貲重修

益都縣圖志

卷十四

營建志下

轉雲橋在府城西南七里雲門山西麓

升仙橋在府城西南三十里雲門山西麓通志云在城南三里近朗公洞

獅子橋在西門外跨陽水通志

北陽橋在府城西五里乾隆五十八年建邑人楊峒有碑記

普通橋在府城西北二十里明萬厯間知府王家賓捐俸重

修邑人鍾羽正有碑記

斜津橋在府城北十里此橋今無迹邑人邱琮玉據乾隆間修裴家橋碑謂在柳溝莊西跨北陽水

裴家橋在府城北十里明裴大戶建國朝屢有修葺並有碑記

新店橋在府城北十里新店鋪南明萬厯間知府王家賓捐

俸修邑人卜汝隨有碑記



青龍橋在府城北二十里明萬厯間知府王家賓修邑人鍾羽正有碑記

拱宸橋在府城北三十里石羊店南明嘉靖四十三年知府杜思創建

會流橋在府城東南陽水經其下明嘉靖五年邑人黃信修日久圯毀

國朝順治間邑人高有聞重修禪僧三濟增修亦名三濟橋

乾隆間邑人黃大才夏繼先崔吉侯薛輝生等重修見乾隆十六年

文昌宮贍廟地碑道光十五年邑人鄭琦重修有碑記

普濟橋在府城北三十二里三官廟東北康熙四十年乾隆

元年五年嘉慶二年相繼修四碑皆在三官廟內此中茅津與東茅津

益都縣圖志 卷十四 營建志下 聖

會流處橋通萊博鹽道

棲鳳橋在府城北三十里西庵張家莊西在小西茅津河上

通萊博鹽道道光十年重修壽光王為東碑略云張家莊地勢沮洳夏秋之交霖潦漲發西

南諸水乘高而至者漂沒廬田為害實甚村之先輩環村鑿渠導之使下往來各通以橋有年所矣邇來橋石剝泐道亦齧缺里人相與募貲庇材理而新之村東者一仍舊制西橋加廣焉名曰棲鳳義無甚取地勢形似而已迤北增置小橋尾曰鳳

永濟橋在府城東十八里陽河莊南南陽水經其下道光間

龍泉寺僧元一創建邑人房象璣有碑記光緒二十八年里

人有樹徠等增修亦有碑記又有復固橋在其西

道路 附

咸豐六年知益都縣張槃重修東西驛路橋梁及雲門山路



西門橋 有碑

光緒九年重修萬年橋至小北門石路先是橋道損壞兼多曲折牛車運重每多傾覆鄉紳邱嶝鍾勤等倡捐重修有壽光舉人董乾亨撰碑

光緒十七年知益都縣張承燮修築堯溝官道後令毛澂繼之遂底於成

據縣案

光緒二十九年知益都縣李

稟請重修城關街道查青

州街道自道光中鋪修以後六七十年之間迄未重修崎嶇難行此次重修一律完整計城內街段凡七日東門大街自小東門至石橋街口計長六百七十二尺曰衛街在石橋街口西計長一千三十二尺曰佑衣市街自衛街西口起折而北至縣十字街口計長一千二百九十六尺曰北門大街自縣十字街口至城北門計長一千五百二十一尺曰府前街自縣十字街口嚮東至雲路坊計長一千五十六尺曰東營街自雲路坊折而南至東門之石橋街口計長一千五百二十八尺曰菜伙市街自縣十字街口嚮西至中所營街計長六百四尺八寸共長七千七百十尺四寸又東關修理街道四曰昭德寺北街計長三百三十二尺曰南街計長五百六十八尺曰青龍街計長五百六十七尺又自元帝閣至會流橋新修街計長一千三百八尺又修補之街段四曰弔橋街曰轆轤把街曰菜市街曰絲店街共新修街道長二千七百七十五尺又修北接至馬路長一千三百八十尺街寬八尺



至九尺六寸不等統計工段除修補街不計丈尺外長一萬一千八百六十五尺四寸前後捐集京錢八千四百餘千據重修街道碑及縣案

光緒三十年知益都縣李

稟請修築北關馬路自郡城

北關市梢寨門起至火車棧止綿長四里有奇寬一丈八尺均用條石灰漿修築上鋪沙子小石夯壓堅固路旁種柳添築函橋共計估用民田十七畝五分三釐用京錢六千

餘千

據縣案